

LG-GoC Tiger Div.

Infantry Division दे GoC मेजर जनरल Mukesh Bhanwala होरें लैफ्टिनेंट गवर्नर मनोज सिन्हा हुंदे कन्नै मलाटी करियै उनेंगी “ऑपरेशन राहत” तैहत हाइ प्रभावित इलाकें च भारतीय फौज आसेया चलाए जा रदे राहत ते पुर्न-बहाली आलै अभियानें बारे जानकारी दिती। एल.जी होरें इनें कुदरती क्रोपियें दौरान फौरी सहायता देने लेई फौज दी सराहना कीती-जेहदे कन्नै जान-माल दा नुकसान घट्ट होआ ते प्रभावित लोकें गी मनुकखी सहायता बी उपलब्ध करोआई गई।

<><><><><><>

LG-Cong Delegation

जम्मू-कश्मीर प्रदेश कांग्रेस कमेटी दे कार्यकारी अध्यक्ष ते साबका मंत्री रमन भल्ला हुंदी अगुआई च सीनियर लीडरें ते इक प्रतिनिधिमंडल नै कल लैफ्टिनेंट गवर्नर मनोज सिन्हा हुंदे कन्नै मलाटी कीती। प्रतिनिधिमंडल नै जम्मू-कश्मीर च हाल च हाई कुदरती क्रोपियें करी प्रभावित परोआरें ते करसानें लेई मुआवजें बारे चर्चा कीती। उनें इक जापन सौपियें केन्द्र सरकार गी गुजारिश कीती जे ओह इक व्यापक राहत पुर्नवास बहाली ते पुर्ननिर्माण पैकेज उपलब्ध करोआन। एहदे इलावा उनें पस्सियां पौने ते जिमी धस्सने करी प्रभावित इलाकें दा आकलन करने लेई इक उच्ची स्तह दी माहिरें दी टीम खडेरने दी बी गुजारश कीती। उपराज्यपाल होरें भरोसा दोआया जे बैठक दौरान पुट्टे गेदे मुद्दें गी प्राथमिकता दिती जाग ते उन्दा तुरंत नबेड़ा बी कीता जाग।

<><><><><><>

मुख्यमंत्री उमर अब्दुल्ला होरें कल गांदरबल जिले दे अपने व्यापक दौरें दौरान कोई इक्क दर्जन कोला मते विकास कम्में चा किश दा उदघाटन कीता ते केइयें दा नीह पत्थर रक्खेया- जिन्दी कुल लागत 36 करोड़ 50 लक्ख रपे कोला बी मती ऐ। इस मौके अपने सम्बोधन च मुख्यमंत्री होरें जिले च सिइक राबते च सुधार आहन्ने-बिजली क्षेत्र ते खेड्ड ढांचे गी होर बेहतर ते निग्गर बनाने दे अपनी सरकार दे धेइयै गी पक्का करदे होई आखेया जे एह विकास परियोजना छड़ा मकामी लोकें लेई सगुआं लोकें आसेया उन्दे प्रति प्रगट कीते गेदे विश्वास ते भरोसे दे बदले उनेंगी प्रगट कीता गेदा आभार ऐ। उमर अब्दुल्ला होरें 2019 दे बाद पैदा होई दियें सियासी ते प्रशासनिक चुनौतियें दा बी जिक्र कीता ते आखेया जे इनें चुनौतियें दे बावजूद बी सरकार लोकें लेई अपनी जिम्मेदारी निभाना जारी रखोग। उनें आखेया

<><><><><><>

मुख्य भरे च मनाए जा रदे “सेवा पर्व” तैहत अज्ज अस तुंदे आस्तै लेइयै आए आं जे किस चाली मोदी सरकार नै शिक्षा दे खेतर च सुधार आनियै नौजवानें गी सशक्त बनाने दा ते मुख्यै गी ज्ञान दा वैश्विक केन्द्र बनाने दा कम्म कीता ऐ। पिच्छले 11 बरे च निपुण भारत मिशन ते पी.एम. श्री स्कीम जनेही परियोजनाएं राहें केन्द्र सरकार नै उच्ची गुणवत्ता आली शिक्षा प्रदान करियै युवाएं गी सशक्त बनाया ऐ। एहदे इलावा IIT ते IIM जनेह संस्थानें दा विस्तार सब्भनं गी बेहतर शिक्षा प्रदान करने दी सरकार दी वचनबद्धता गी दर्शादा ऐ। इस बारे 29 अप्रैल 2025 गी नर्मो दिल्ली च YUGM सम्मेलन गी सम्बोधित करदे होई प्रधानमंत्री होरें आखेया हा

<><><><><><>

Navratri -SMVD Yatra

पवित्र शारदीय नरातें दे चलदे जित्थे समूलचे जम्मू संभाग च खूब रौनक दिक्खने गी लब्बै करदी ऐ उत्थै गे श्री माता वैष्णो देवी जी दी पवित्रा गुफा च नराते दे पैहले 7एं दिनें दौरान मत्था टेकने आहलें दी गिनतरी सवा लक्ख कोला उप्पर पुज्जी गई ऐ। यात्रा पूरी चाली रमानदारी ते बवस्था आहले ढंगे सिर जारी ऐ ते हर रोज भारी गिनतरी च श्रद्धालु मुख्यै दे बक्ख-बक्ख हिस्सें थमां कटड़ा पुज्जा करदे ना। श्राईन बोर्ड दे इक अधिकारी मुजब ऐतवार रातीं तोड़ी इक लक्ख 25 जहार 645 शरदालुएं दे नां, नरातें दे पैहले 7एं दिनें दौरान दर्शन लेई दर्ज होई चुके दे हे।

<><><><><><>

DC Samba Addl Rly Line

जिला प्रशासन साम्बा नै जिला विकास कमीशनर आयुषी सूदन हुंदी अध्यक्षता च इक महत्वपूर्ण बैठक लोआई जेहदे च जम्मू तवि रेलवे स्टेशन कोला लेइयै पठानकोट छौनी ते जालंधर छौनी स्टेशन तोड़ी 216 किलोमीटर दे हिस्से पर त्री रेलवे लाईन बछाने बारे प्रस्ताव पर तफसीली चर्चा कीती गई। बैठक दौरान सरबंधित बक्ख-बक्ख धड़ें ते हितधारकें दी मजूदगी च इस प्रस्तावित परियोजना दे बक्ख-बक्ख पैहलुएं पर सोच-विचार कीता गया- जिन्दे च जिमी हासल करने दियां प्रक्रिया ते परियोजनां लागू करने दौरान सामने आई सकने आहलियें चनौतियें बारे सलाह-सूत्र बी शामिल हा। एल्लै इस बड़े मते रश आहले इस रस्ते पर गड्डियें दी आओ-जाई छड़ियें दंडु रेल लाइनें राएं व्यस्थित कीती जा रदी ऐ ते एहदे च इक होर पटरी दा जुड़ना इत्थे नां छड़ा रेल गड्डियें दी आओ-जाई च बाददा होग सगुआं लोकें दी सुविधा बी बधोग ते कन्नै आर्थिक गतिविधियें गी बी बढ़ावा थोग।



नमें GST सुधारें तैहत सरकारै खडोने ते खेड्डें सरबंधी समेयान पर बी टैक्स च खासी कटौती कीती ऐ ते इन्दे पर लग्गने आहला GST जेहड़ा पैहले 12 प्रतिशत होंदा रेहा ऐ उसी घटाइयै 5 प्रतिशत करी दिता गया ऐ। इस फैसले कन्नै नां छड़ा उपभोक्ताएं गी खडोनें ते खेड्डें सरबंधी होर दुआ समेयान हून सस्ते भाएं पर थोआ रदा ऐ सगुआ इस उद्योग ते उत्पादन कन्नै जुड़े दे लोकें गी बी मता फैयदा पुज्जोग। जी.एस.टी. दरे च कटौती होने कन्नै बच्चें च मनोरंजन सरबंधी नरोई ते म्यारी गतिविधियें गी बी बढ़ावा थोग। एहदे कन्नो-कन्नी घट्ट GST दरे दे चलदे रिवायती खडोने ते रिवायती खेड्डें दा समेयान त्यार करने आहले लौहके ते दरमयानें दर्जे दे उद्यमें गी बी बढ़ावा थोग ते ओ घरेलू ते अंतराष्ट्रीय बजारें च उतरी सकगंन। इक सैकल दी दकान चलाने आहले बपारी नै एहदे पर अपनी प्रतिक्रिया दिंदे होई आखेया



युवा सेवाएं ते खेड्डें सरबंधी जिला दफ्तर उधमपुर नै IRP दी 24मीं बटालियन कन्नै रलियै उत्थू दे मिनि-स्टेडियम च कल 5एं दिनें दे इक खेड्ड आयोजन दा सरिस्ता कीता ऐ। सिविक एक्शन कार्यक्रम तैहत आयोजत कीते गेदे इस कार्यक्रम च क्रिकेट- बैडमिंटन ते वॉलीबाल दे मुकाबले कराए जा रदे न। SSP उधमपुर अमोद अशोक नागपुरे ते बटालियन दे होर केंई अधिकारी उदघाटन समारोह च मजूद हे। इससै दौरान “सेवा पर्व” दे इक हिस्से दे तौरा पर उत्थे बूहटे लाने दी इक मुहीम बी चलाई गई- जेहदे च सब्भनें बधी-चढ़ियै हिस्सा लैता। इस मौके अपने सम्बोधन च SSP नागपुरे होरें आखेया



Women's ODI World Cup

क्रिकेट च ICC महिला इक रोजा विश्व कप-2025 अज्ज गुवहाटी दे बरसा-पारा क्रिकेट स्टेडियम च मेजबान भारत ते श्रीलंका बश्कार मुकाबले कन्नै शुरु होग। मैच अज्ज दपैहरी 3 बजे शुरु होग। भारतीय महिला क्रिकेट टीम अपने पैहले ICC खताब दे 47एं बरे दे इंतजार गी खत्म करने दी कोशश करोग।

